

一同月廿七日丁卯曉寅時太白乘犯房第一星。天文要錄云火災多。  
一同月廿八日戊辰曉寅時月掩食天江第一星。天文要錄云宮中有火。  
一同日同時太白犯鍵閉星。天文要錄云致火災。

仁安元年十一月三十日爲備後鑿注置之。

一今茲十二月朔日未時火起自北小路萬里小路至于出雲地大原辻川原都十許町片時爲灰燼其中鴨權禰宜祐季并川合社禰宜長平故權禰宜宅殿中出雲權守有保宅美作阿闍梨行顯宅故左京亮賀茂保家宅并堂燒亡了。凡今日大小之舍宅千餘宇燒失云々。

一同月十日亥刻勘解由小路以南萬里小路以東角藏人勘解由次官藤經房宅拂地燒亡伴宅本是平宰相實親卿之宅云々但火不延蔓滅了。

一同月廿二日子時北小路以北町東燒亡其中大外記中原師高宅并堂塔燒失傳聞大炊寮御稻少燒給云々又右衛門大夫大江永重宅燒了。

一同日天台有火災堂五宇房四宇燒亡云々。

五佛院 實相院 五大堂 丈六堂 定尋院

已上往古堂等云々

圓融房 極樂房 大養房 桂乘房 又金剛壽院大門燒亡云々

今年十月以後可有火災之由天變頻示而或洛中或城外火災間起堂塔舍宅多以燒失了天之譴告咎徵必然者歟宮中火災后宮燒亡之文猶以有恐哉爲後鑿聊記之。

同月廿三日川尻小部嶋在家多燒亡云々。

〔百練抄八高倉〕承安二年六月十六日或記云今日申刻兩日出現之由有閭巷說但司天之輩不見之由申之。